

Երեսնամյա այսպիսի

**ՄԱՅՐ ԱԹՈՒ ՍՈՒՐԲ ԷԶՄԻԱՇՆԻ
ԿՐՈՆԱԿԱՆ, ՄՇԱԿՈՒԹԱՅԻՆ,
ԼՐԱՏՎԱԿԱՆ ԵՐԿՇԱԲԱԹԱԹԵՐԹ**

ԸՆԴՈՒՆԵԼՈՒԹՅՈՒՆՆԵՐ ՎԵՂԱՐԱՆՈՒՄ Ամենայն Հայոց Կաթողիկոսն ընդունեց

4 ղեկավարների Ռումինիայում ՀՀ նորանշանակ դեսպանին



Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսն ընդունեց Ռումինիայի Հանրապետությունում Հայաստանի Հանրապետության արտակարգ եւ լիազոր դեսպան Սերգեյ Մինասյանին։

Հանդիպմանը Նորին Սրբությունը շնորհավորեց դեսպանին նշանակման առիթով՝ մաղթելով արդյունավետ գործունեություն՝ ի նպաստ Հայաստանի եւ Ռումինիայի միջեւ բարեկամական հարաբերությունների ու գործակցության առավել ամրապնդման։

Վեհափառ Հայրապետն անդրադարձ կատարեց դեռեւս վաղ միջնադարից ձեւավորված հայ-ռումինական սերտ կապերին, ինչպես նաեւ հայ համայնքի պատմական կարեւոր դերակատարությանը Ռումինիայի քաղաքական, տնտեսական եւ մշակութային կյանքում՝ նշելով, որ շնորհիվ գովարժան իր վաստա-

կի ռումինահայությունն այսօր վայելում է երկրի իշխանությունների հարգանքը։

Չրույցի ընթացքում պրն Մինասյանը շնորհակալություն հայտնեց Ամենայն Հայոց Կաթողիկոսին՝ օրինության եւ բարեմաղթանքների համար՝ հավաստիացնելով, որ իբրեւ դեսպան՝ պիտի իր ջանքերը ներդնի հայ-ռումինական հարաբերությունների ամրապնդման համար։ Նորանշանակ դեսպանն իր առաքելության մեջ կարեւորեց գործակցությունը Ռումինիայի հայոց թեմի եւ ազգային հաստատությունների հետ։

Խոսվեց նաեւ Հայաստանյայց Առաքելական եւ Ռումին Ուղղափառ Եկեղեցիների ջերմ հարաբերությունների մասին։ Հանդիպմանը ներկա էր Մայր Աթոռ Սուրբ Եզնիկի հարաբերությունների եւ արարողակարգի բաժնի տնօրեն Նաթան արք. Հովհաննիսյանը։

Առաջին լուսավորիչների տունը

Դեկտեմբերի 2-ին Հայաստանյայց Առաքելական Ս. Եկեղեցին տոնախմբեց Հայոց աշխարհի առաջին լուսավորիչներ Ս. Թադեոս եւ Ս. Բարդուղիմեոս առաքյալների տունը։ Հայոց Եկեղեցու հիմնադիր առաքյալների տունը մեծ շուքով նշվեց Մայր Աթոռ Ս. Էջմիածնում։

Դեռեւս 2015 թվականին տունը Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսի հայրապետական սրբատառ կոնդակով հռչակվել է աստվածամուխ Սբ Գեղարդի ուխտի օր։

Շնորհառաւ օրվա կապակցությամբ Միածնաէջ Մայր տաճարում, հանդիսապետությամբ Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի, մատուցվեց Պատարագ։ Պա-

ղնթացքի եւ հավիտենական կյանքի։

...Մեր Եկեղեցին իր հիմնադիրներին անվանակոչել է առաջին լուսավորիչներ, տվել է «լուսավորիչ» անվանումը... Մեր Եկեղեցին իր հիմնադրման իսկ պահից փափագողն է եղել լույսի եւ այդ լույսն է սփռել իր կայնքում եւ իր շրջապատում։ Լույս՝ ազգային հարաբերություններում, լույս՝ եկեղեցական հարաբերություններում։ Եվ այդպես պիտի Եկեղեցին եւ ժողովուրդը իրեն Ավետարանը բերած առաքյալներին կոչեն՝ լուսավորիչներ, որոնք եկան լուսավորելու մեր հոգիները, մեր միտքն ու սիրտը, ազնվացնելու մեր անձը եւ կարողությունները, որ ունենք, եւ այն էլ ավելի առատացնելու եւ ի փառս Աստծո զարգացնելու, ա-



տարագիչն էր Մայր Աթոռի թանգարանների եւ արխիվի տնօրեն Ասողիկ քնն. Կարապետյանը։

Ս. Պատարագին ներկա էին Հայ Եկեղեցու թեմակալ առաջնորդներ, Մայր Աթոռում պաշտոնավարող եպիսկոպոսներ, միաբաններ, հայաստանյան տարբեր թեմերից ժամանած հոգեւոր սպասավորներ եւ ուխտավորներ։

Սրբազան արարողության ընթացքում հայրապետական հանդիսավոր թափուրով Հին Վեհարանից Մայր տաճար բերվեց իրաշագործ ս. Գեղարդը, որպեսզի համայն հայության հոգեւոր կենտրոնում ուխտավորաբար մեկտեղված հավատավոր ժողովուրդին հնարավորություն ընձեռվի երկրպագել, հավել եւ համբուրել Մայր Աթոռում պահվող համաքրիստոնեական մեծագույն սրբություններից մեկը՝ ս. Գեղարդը։

Տոնի կարեւորության անդրադարձավ պատարագիչ տեր Ասողիկը՝ իր քարոզում ի մասնավորի ընդգծելով. «Սիրելի՛ հավատացյալներ, այսօր մեր Եկեղեցու համար մեծագույն տոն է։ Չեմ վարանի ասել, որ մեր Եկեղեցու համար այսօր ծնունդ է եւ հարություն։ Այս երկու տոները քրիստոնեական Եկեղեցու համար մեծագույնն են, հիմքերն են քրիստոնեական հավատքի։ Մեր Եկեղեցու համար էլ մեր առաքյալների տունը հիմքն է մեր հավատքի, մեր հոգեւոր կյանքի, մեր քրիստոնեական

ճեցնելու եւ բազմացնելու։

Լուսավորիչներն են մեր առաքյալները, լուսավորիչներն են նրանց հաջորդները՝ ս. Գրիգորը, ս. Տրդատը, լուսավորիչներն են՝ ս. Մեսրոպը, ս. Սահակը եւ նրանց հաջորդող մեր Եկեղեցու պանծալի դեսպանները։

Այս լույսով է, որ դարձրեց շարունակ մեր Եկեղեցին սնուցանել է իր հարազատ ժողովուրդին, եւ այդ լույսով է, որ մեր հարազատ ժողովուրդն արարել ու ստեղծագործել է իր կյանքն ու երկիրը՝ հակառակ այն բազմաթիվ փորձությունների ու հարձակումների, այն բազում կորուստների, որոնք պատմությունը բաժին հանեց մեզ՝ հայերիս, ի սկզբանե լուսավորյալ ժողովուրդիս։

...Սուրբ Թադեոս առաքյալի վկայությունից հանված Տիրոջ խոստումը իր առաքյալների քարոզչությամբ եւ նահատակությամբ, իր արքայության ընդունմամբ հիմնավորեց հայ ազգին՝ իր հավատացյալներին, դարձնում է իր սեփական ժողովուրդը եւ իր աստվածային իրաւունքով պարուրում ու պահպանում մինչեւ աշխարհի վախճանը։ Այս խոստումը մեզ համար պիտի դառնա զորության անսպառ աղբյուր՝ մեր լուսավորյալ կյանքը անխափար պահելու, անխախտ պահելու եւ ողջ մարդկության համար դարձնելու աստվածային սիրո աղբյուր եւ աստվածահաճո կյանքի ներշնչարան»։ Շարունակությունը՝ էջ 2

11 ղեկավարների Վրաստանի եւ Հարավային Կովկասի Ավետարանական-Լյութերական Եկեղեցու եպիսկոպոսին



Ամենայն Հայոց Կաթողիկոսն ընդունեց Վրաստանի եւ Հարավային Կովկասի Ավետարանական-Լյութերական Եկեղեցու եպիսկոպոս Մարկուս Շոխին։

Նորին Սրբությունը ողջունեց եպիսկոպոս Շոխին՝ արդյունավետ գործունեություն մաղթելով նրան նոր հանգամանքում։ Վեհափառ Հայրապետն անդրադարձ կատարեց Հայաստանյայց Առաքելական եւ Ավետարանական Եկեղեցիների միջեւ առկա կապերին եւ գործակցությանը՝ Էկումենիկ կազմակերպությունների հարթակներում եւ տարբեր սոցիալական ու կրթական ծրագրերի շրջանակներում, գոհունակություն հայտնեց Վիրահայոց թեմի եւ Ավետարանական-Լյութերական Եկեղեցու միջեւ

ծեւավորված համագործակցության առիթով։

Չրույցի ընթացքում եպիսկոպոս Մարկուս Շոխը, շնորհակալություն հայտնելով ընդունելության համար, նշեց, որ առաջին անգամ է այցելում Հայաստան, սակայն Երուսաղեմում իր ուսումնառության տարիներին առիթ է ունեցել ծանոթանալու Հայ Եկեղեցու սրբազան ժառանգությանը եւ հայ ժողովրդի պատմությանը։ Ավետարանական-Լյութերական Եկեղեցու առաջնորդը հայոց Հովվապետին տեղեկություններ փոխանցեց տարածաշրջանում իր առաքելության վերաբերյալ։

Հանդիպմանը ներկա էր Մայր Աթոռի միջեկեղեցական հարաբերությունների բաժնի տնօրեն Շահե Ժ. վրդ. Անանյանը։

ՀՈՒ ՀՈԳԵՎՈՐ ԱՌԱՋՆՈՐԴՈՒԹՅԱՆ



Դեկտեմբերի 8-ին Գ. Սունդուկյանի անվան ազգային ակադեմիական թատրոնում, հանդիսապետությամբ Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Յայոց Կաթողիկոսի, մասնակցությամբ ՀՀ պաշտպանության նախարար Վիգեն Սարգսյանի, տեղի ունեցավ ՀՀ զինված ուժերի հոգեւոր առաջնորդության հիմնադրման 20-ամյակին նվիրված տոնական հանդիսություն:

Մինչ միջոցառման սկիզբը հանդիսության մասնակիցները թատրոնի ճեմարանում դիտեցին «Եկեղեցի-բանակ» թեմայով ցուցահանդեսը, որտեղ ներկայացված էին շնորհալի զինվորականների ծեռքի աշխատանքները:

Տոնական հանդիսությունն սկսվեց ՀՀ օրիներգով, որից հետո Գեւորգյան հոգեւոր ճեմարանի երգչախմբի կատարմամբ հնչեց Տերունական աղոթքը: Այնուհետեւ ՀՀ զինված ուժերի հոգեւոր առաջնորդ Վրթանես եպս Աբրահամյանը հանդես եկավ ողջույնի խոսքով:

Շնորհավորելով ներկաներին՝ Հոգեւոր առաջնորդության գործունեության 20-ամյակի առիթով, սրբազան հայրը մասնավորաբար ասաց. «...Այսօր, փառք Աստծո, ունենք պետականություն, հաղթանակած բանակ եւ որ ամենակարեւորն է՝ հավատքի ու գաղափարի հերոս զինվոր, ինչը հաստատվեց անցյալ տարի՝ ապրիլին: Այսօր հպարտորեն կարող ենք ասել, որ հերոսությունը հայ զինվորի արյան ու գիտակցության մեջ է, զինվոր, ով գեները ծեռքին, քաջությունը սրտում, աղոթքը շուրթե-

րին՝ իր բարոյական իրավունքն է պաշտպանում: Հետեւաբար, վստահորեն կարող ենք փաստել, որ հայրենիքի ծառայությանն ու պաշտպանությանը զինվորագրվելը հայ մարդու համար պարտադրյալ մի ծառայություն է, այլ պատվաբեր ու նվիրական առաքելություն: Ահա այդ առաքելության մեջ մեր զավակների հաստատուն մնալուն է ուղղված ՀՀ ՀՈՒ հոգեւոր առաջնորդության քաշանմայ գործունեությունը, որը նպատակ ունի հայ զինվորին ու սպային տեսնել անկուն, հոգեպես հաստատակամ ու կայուն, իսկ մեր հայրենիքը՝ պաշտպանված ու գործող: 20 տարին թե՛ կարճ եւ թե՛ երկար ժամանակ է արդեն արվածին գնահատական տալու համար, բայց նաեւ մի հանգրվան, մի հնարավորություն՝ հետ նայելու, անցած ճանապարհից դասեր քաղելու, երիտասարդական ավուսով առաջ նետվելու՝ ի խնդիր նոր մարտահրավերների, բանի որ վստահ ենք, որ նվիրական տեսականն ու ոգին են առաջնորդելու յուրաքանչյուրիս, եւ բոլորս անվերապահորեն ներդնելու ենք մեր բազկի, մտքի ու հոգու լավագույն արգասիքները՝ ի փառս Աստծո եւ ի գործացումն հայրենի մեր պետականության ու հաղթանակած բանակի»:

Վրթանես սրբազանն իր խոսքում նշեց նաեւ, որ ՀՀ ՀՈՒ հոգեւոր առաջնորդության գործունեության նպատակներից է հայ զինվորին ու սպային անկուն տեսնելը, հոգեպես հաստատակամ ու կայուն, իսկ հայրենիքը՝ պաշտպանված ու գործող, եւ տեղեկացրեց, որ անցած 20 տարի-

ների ընթացքում ավելի քան 300 գնդերեցներ իրենց ծառայությունն են բերել Հոգեւոր առաջնորդությունում, գործառնաբերում կառուցվել են 3 տասնյակից ավելի մատուռներ եւ աղոթատներ, ամփոփ ներկայացրեց իրականացված աշխատանքները: Նա ինչեց երջանկահիշատակ Գարեգին Ա Ամենայն Յայոց Յայրապետին եւ լուսահոգի սպարապետ Վազգեն Սարգսյանին, որոնց նախածննությունը 1997 թ. սկիզբ դրվեց Հինված ուժերում հոգեւոր ծառայությանը: Սրբազան հայրը իր խորին երախտագիտությունը հայտնեց Նորին Սրբություն Գարեգին Բ Ամենայն Յայոց Յայրապետին՝ Յայոց բանակի եւ Հոգեւոր առաջնորդության նկատմամբ դրսեւորվող մշատական հայրական խնամքի համար:

Այնուհետեւ հանդիսության մասնակիցներին իր պատգամն ու օրհնությունը բերեց Նորին Սրբություն Գարեգին Բ Ամենայն Յայոց Կաթողիկոսը:

«Փառք եւ գոհություն ենք մատուցում Աստծուն, որ անսասան եւ հաղթական է Յայոց բանակը, որն այսօր հուսալի գրավականն է մեր ժողովրդի ապահով, խաղաղ ու տեղծագործ կյանքի:

Մեր բանակը ձեւավորվեց անկախ պետականության հաստատման եւ Արցախի ազատագրության հերոսական օրերում եւ կայացավ ու գործացավ մեր պետականության ամրապնդման հետ: Մեր ժողովուրդն ամեն դժվարություն հանձն առավ հայրենի հողը պաշտպանելու եւ իր ազատ կյանքը կառուցելու համար: Յայրենիքի պաշտպանության նվիրական պայքարում, նաեւ մարտի դաշտում, Առաքելական մեր Ս. Եկեղեցին իր զավակների կողքին էր՝ գործացնելով նրանց Աստծո խոսքով ու հավատքով, որն իբրեւ հոգեւոր տուսել՝ բարձրանում է ընդդէմ բռնության, կեղծիքի, իրավունքի ոտնահարման եւ ամեն չարիքի:

Յայոց բանակում հովվական ծառայության սկիզբը դրվեց հայրենի պետության անկախության առաջին տարիներին՝ երջանկահիշատակ Մեր նախորդ՝ Գարեգին Ա Ամենայն Յայոց Կաթողիկոսի կողմից: Լուսավորչի գահին բազմելով՝ Մենք կարեւոր նկատեցինք բանակում հոգեւոր ծառայության կարգավիճակի ամրագրումը, որն իրականացավ հատուկ հուշագրի ստորագրությամբ՝ պաշտ-



պանության նախարար եւ ներկայիս ՀՀ նախագահ տիար Մերժ Սարգսյանի հետ: Այնուհետ հովվական ծառայությունը բանակում բարձրացրեցինք Հոգեւոր առաջնորդության աստիճանի: Այսօր գոհունակությամբ ենք անդրադառնում նաեւ, որ հայոց մեծ արքա Աշոտ Երկաթի խաչը, որը կրում է մեր Տեր Հիսուս Զրիստոսի խաչափայտի մասունքը, հաստատեցինք որպես պահպան խաչ սիրեցյալ մեր բանակին եւ ընծայեցինք բանակային գորատեսակների օրհնված խաչվառ դրոշներ:

Ազգային-Եկեղեցական մեր կյանքում տերունապատվեր առաքելություն ստանձնելու հետ մեկտեղ եկեղեցականները, Գեւորգյան հոգեւոր ճեմարանի շրջանավարտ սարկավագները անպայմանորեն իրենց ծառայությունն են իրականացնում բանակում՝ հոգեւոր մխիթարություն, քաջալերություն փոխանցելով մեր զինվորներին, գորացնելով նրանց հավատքը, բարձր պահելով մարտական ոգին եւ նրանց աջակիցն ու գորակիցը լինելով հայրենիքի պաշտպանության նվիրական գործում: Ուրախություն է Յայրապետիս համար արձանագրել, որ մինչ այսօր Յայոց բանակում ծառայել է ավելի քան երեք հարյուր հոգեւոր սպասավոր: Արդարեւ, մեր անկախ պետականության քառորդդարյա ընթացքում հոգեւոր սպասավորությունը բանակում ամենակարեւոր ու արգասաբեր անդաստաններից մեկը եղավ, որտեղ ազգային իշխանությանն եւ Յայ Եկեղեցուն համագործակցությունը առատ հունձք ապահովեց՝ մեկի դիմաց երեսուն, վարսուն եւ հարյուր, եւ... (հմմտ. Մարկ. Դ 8):

Միտելի՛ գնդերեցներ, հոգեւոր

սպասավորներ Յայոց բանակի, եկեղեցականների ծառայական կյանքը զինվորություն է, Պողոս առաքյալի խոսքով՝ զինվորություն՝ «Աստծո սպառազինությամբ...», մեր մեջքը գոտեպնդած ճշմարտության Ավետարանով, հազած արդարության գրաիք, մեր ոտքերը ամրացրած խաղաղության Ավետարանի պատրաստությամբ, ...հավատի վահանով, փրկության սաղավարտով ու Հոգու տուսերով, որ Աստծո հոսքն է, որպեսզի կարողանանք չար օրում դիմ կանգնել չարին...» (հմմտ. Եփես. 2 13-17): Յայ եկեղեցականը չի սպասում հրավերի՝ չարի դեմ պայքարելու, չի տատանվում հայրենիքի ու հավատի համար իր կյանքը գոհելու, չի նահանջում, երբ չարն իր նեղ մտադրությամբ անցնում է հայրենյաց սահմանը՝ ավերելու մեր տունը, ոչնչացնելու հայրենական մեր նվիրական սրբությունները: Խաչով ու սրով հայ եկեղեցականը միշտ եղել է հայրենյաց պաշտպանության դիրքերում: Սա է մեր Եկեղեցու սրբազան ու դարավոր առաքելության մեծագույն պատգամը՝ ապրել եւ ծառայել մեր ժողովրդի հոգեւոր ու ֆիզիկական փրկության համար՝ Ավարայրից մինչեւ Արցախ եւ մինչեւ վախճանը ժամանակների: Այդ գիտակցությամբ էր նաեւ Սարգսյան-պատի ճակատամարտում, 1918 թ. մայիսյան հերոսամարտերում, որոնց 100-ամյակը պիտի տոնենք հաջորդ տարի, Գեւորգ Բ Ամենայն Յայոց երանաշնորհ Կաթողիկոսն իր խրոխտ կեցվածքով ու ոգեշնչմամբ գորացրեց ողջ ժողովրդին, եւ հայ Եկեղեցականները հայոց Յայրապետի օրինակով մեր գորաց հետ աննահանջ պայքարեցին մեր հայրեն-

Առաջին լուսավորիչների տունը

Սկիզբը՝ էջ 1

Ասողիկ քահանան նաեւ խոսեց ս. Գեղարդի հրաշագործ գործության մասին՝ ներկայացնելով պատմության ընթացքում Գեղարդի հետ կապված զանազան հրաշքներ, որոնք կատարվել են ինչպես Յայոց աշխարհում, այնպես եւ հարեւան Վրաստանում:

Վերջում Մայր Աթոռի միաբանության, պաշտոնության եւ հավատացելոց անունից տեր հայրը շնորհավորեց շնորհազարդ Ամենայն Յայոց Յայրապետին՝ իբրեւ առաքելաիմն ս. Աթոռի գահակալի՝ մաղթելով, որ Աստված գորացնի նրան իր առաքելական

կոչման մեջ, որպեսզի Նորին Սրբությունից բխող աստվածային շնորհներն առատապես հեղվեն հոգեւոր դասի վրա եւ նրա միջոցով՝ համայն մեր ժողովրդի եւ աշխարհի: Ասողիկ քահանան նաեւ շնորհավորեց Եկեղեցու սրբազան եպիսկոպոսներին եւ քահանայից հոգեւոր դասին՝ իբրեւ ժիր մատուցակներ՝ ժողովրդին աստվածային օրհնությունը բաշխելու՝ ի Յայաստան եւ ի Սփյուռն աշխարհի:

Սուրբ Պատարագի արարողության ավարտին Ամենայն Յայոց Կաթողիկոսը Պահպանիչ աղոթքով օրհնեց ներկաներին՝ իր պատգամն ու բարեմաղթանքները փոխանցելով բարեպաշտ ժողովրդին:

Ս. Գեղարդը Մայր տաճարում մնաց մինչեւ Երեկոյան ժամերգության ավարտը՝ աստվածային օրհնություն բաշխելով այս առիթով Մայր Աթոռ այցելած հազարավոր հայ եւ օտարազգի հավատացյալներին:



«Հովհան Օձնեցի հմասասեր



Դեկտեմբերի 5-ին Մայր Աթոռ Ս. Էջմիածնի Գեւորգյան հոգեւոր ճեմարանի Կոմիտասյան սրահում, Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Յայոց Կաթողիկոսի բարձր նախագահությամբ, իր աշխատանքն սկսեց «Հովհան Օձնեցի իմաստասեր կաթողիկոսը եւ նրա ժամանակը» գիտաժողովը:

Ս. Հովհան Օձնեցի Կաթողիկոսի գահակալության 1300-ամյակին նվիրված գիտաժողովը կազմակերպվել էր Գուգարաց թեմի, Գեւորգյան հոգեւոր ճեմարանի եւ Մայր Աթոռի «Վաչե եւ Թամար Մանուկյան» մատենադարանի նախաձեռնությամբ:

Գիտաժողովի սկսվող Տերունական աղոթքով, որից հետո բացման խոսքով հանդես եկավ ճեմարանի տեսուչ Գարեգին վրդ. Համ-

բարձումյանը: Գիտաժողովի մասնակիցներին ողջունեց նաեւ «Վաչե եւ Թամար Մանուկյան» մատենադարանի տնօրեն Արարատ քնն. Պողոսյանը:

Այնուհետեւ ներկաներին իր պատգամն ու օրհնությունը բերեց Ամենայն Յայոց Կաթողիկոսը՝ ողջունելով ամենքին՝ երանելի ս. Հովհաննես Օձնեցի Յայրապետին նվիրված գիտաժողովի գումարման առիթով: Նորին Սրբությունն ընդգծեց, որ գիտաժողովը եւս մեկ առիթ է գնահատելու Հովհաննես Օձնեցի ս. Յայրապետի վաստակը մեր Եկեղեցու եւ ժողովրդի պատմության մեջ, արժեւորելու նրա հարուստ ժառանգությունը, քրիստոնեական հավատքի անաղարտության պահպանման համար նրա կողմից ներդրված նվիրական ջանքերը եւ իր ժողովր-

ՀԻՄՆԱԴՐՄԱՆ 20-ԱՄՅԱԿԸ



Նիքի, հավատքի, մեր ժողովրդի ազատ կյանքի և իրավունքների պաշտպանության համար: Այսօր դուք, յուրաքանչյուր հայ եկեղեցականի հետ, կոչված եք հոգի ու սիրտ ներդնելով կենսագործելու մեր սուրբ նախնիներից ավանդված առաքելությունը՝ հոգեւոր սպառազինության պաշտպանությունը կերտելու մեր բանակում և ամենուր մեր ժողովրդի կյանքում:

Հոբելյանական այս առիթով հայրապետական Մեր գնահատանքն ենք հայտնում Հայաստանի զինված ուժերի գերագույն զխավոր հրամանատար, ՀՀ Նախագահ տիար Սերժ Սարգսյանին, պետական ավագանուն և բանակի ողջ հրամկավորին՝ Հայ Եկեղեցու առաքելությունը շինված ուժերում նվիրական գիտակցումով ու համագործակցության բարձր ոգով արժեքորելու համար: Մեր գնահատանքը ՀՀ պաշտպանության նախարար Մեծարգո տիար Վիգեն Սարգսյանին՝ բանակում հոգեւորականների ծառայության հանդեպ առանձնակի ուշադրության, Հոգեւոր առաջնորդության գործունեությանն ըստ ամենայնի աջակցելու և հատկապես՝ մեր բանակի մարտունակությունն ու ոգին բարձր պահելու նախանձախնդրության համար: Այդ նախանձախնդրության վկայությունն է նաեւ հոբելյանական այս հանդիսությանը և նման միջոցառումներին մեծարգո նախարարի մասնակցությունը: Հայրապետական Մեր գնահատանքն ու օրհնությունն ենք բերում ՀՀ զինված ուժերի հոգեւոր առաջնորդին՝ Գերաշնորհ Տեր Վրթանես Ե-

պիսկոպոս Արաքսյանին, Հոգեւոր առաջնորդության զնդերեցներին՝ մտղթելով իրենց նվիրական առաքելության մեջ նորանոր հաջողություններ: Նոր ծեռքերումներ ենք մտղթում մեր քաջարի բանակին, պանծալի ծառայություն՝ բոլոր սպաներին ու մարտիկներին: Աղոթում ենք, որ Աստված Իր Աջի ներքո պահպանի ձեզ և օրհնի ձեր և ձեր ընտանիքներին կյանքը:

Թող խաղաղությունը ամուր ու հաստատուն լինի հայրենի մեր սահմաններում: Թող երկնավոր Տերը պահպանի մեր ժողովրդին և զորացնի ու բարձր դարձնի հայրենի մեր երկիրը: Թող արգասաբեր ու պտղաբեր լինի մեր Եկեղեցու առաքելությունը՝ ի փառս Աստծո և ի պայծառություն ազգիս:

«Շնորհք, սեր և խաղաղութիւն Տեառն մերոյ Յիսուսի Ջրիստոսի Եղիցին ընդ ձեզ և ընդ ամենեւեան. ամէն»:

Ներկաներին հոբելյանի առիթով շնորհավորեց նաեւ ՀՀ պաշտպանության նախարար Վիգեն Սարգսյանը:

Պաշտպանության նախարարն անդրադարձ կատարեց Հայոց Եկեղեցու կարեւոր առաքելությանը ազգային կյանքում և ինքնության պահպանության գործում. «...Մենք այս օրերին հաճախ ենք լսում աշխարհում ընդունված այն իրականությունը, որ պետությունը և Եկեղեցին պետք է անջատ լինեն միմյանցից, Եկեղեցին և բանակը պետք է անջատ լինեն միմյանցից, քանզի ասում են, որ դա է ժողովրդավարության և 21-րդ դարի

թելադրանքը: Բայց մի՞թե դա համահունչ է մեր ժողովրդի իղծին և մեր ժողովրդի կոչմանը: Մի՞թե դա է աշխարհի առաջին քրիստոնյա պետության խորհուրդն ու իմաստությունը: Մենք 26 տարի առաջ սկսեցինք կերտել պետականություն մի իրականության մեջ, որտեղ ունեինք մշակույթ, լեզու, գիտություն, որ կտոր-կտոր հավաքել էինք աշխարհով սփռված մեր Սփյուռքից՝ որպես Ցեղասպանության հետեւանք: Եվ ունեինք մի ամուր հիմք, որի վրա մեր ազգային ինքնությունը դարեր շարունակ պահպանվեց որպես ուժ, և այդ ուժը, այդ առանցքը Հայաստանյայց Առաքելական Սուրբ Եկեղեցին էր: Պետականության բացակայության դարերի ընթացքում հենց այդ Եկեղեցին է կրել մեր ժողովրդին միավորելու, կրթելու, կազմակերպելու և անհրաժեշտության դեպքում մարտի դաշտ տանելու պետական բոլոր գործառույթները: Եվ թեւ մենք չունեինք այն ինստիտուտները, որոնք անհրաժեշտ էին որպես հիշողություն՝ ուժեղ պետականություն կերտելու համար, մենք ունեինք անհամեմատ մեծ ուժ,



որը թույլ տվեց միանգամից ոտքի կանգնել և կանգնեցնել ինչպես պետությունը, այնպես էլ բանակը:

...Աշխարհի բոլոր եղած և ապագայում լինելիք պետություններից մեզ տարբերում է մի բան՝ աշխարհի առաջին քրիստոնյա պետություն լինելու խորհուրդը: Շատ շատերն են ուզում, որ այդ խորհուրդը դուրս գա մեր ինքնագիտակցությունից, որովհետեւ այդ դեպքում մենք դառնում ենք 3 մլն. բնակչություն և մի



քանի տասնյակ հազար քառ. կմ տարածություն ունեցող երկիր: Այդ իրականության հետ, ինչպես նաեւ բիբլիական Արարատի հովանու ներքո՝ մենք առաքելություն ունեցող և հատուկ ուժ ունեցող ժողովուրդ ենք: Դրա համար մեր պարագայում շատ տրամաբանական և հասկանալի է, որ Եկեղեցին չի կարող անջատ լինել ոչ պետությունից

դանիշը հաղթանակի և պայքարի: Խոսելով մեր օրերում ՀՀ զինված ուժերում հոգեւոր առաջնորդության առաքելության մասին՝ ՀՀ պաշտպանության նախարարը մասնավորապես նշեց. «Դա այն ուժն է, որը պետք է մեր բանակը դարձնի յուրահատուկ, դա այն ուժն է, որը պետք է ազգային ոգի և նոր միջավայր ձեւավորելու կարելու միջոց դառնա մեր շինված ուժերում: Բանակի 25-ամյակին նվիրված միջոցառման ժամանակ Վեհափառ Հայրապետին շնորհակալություն հայտնեցի և ուզում եմ կրկնել այսօր՝ բանակում գնդերեցների ծառայության համար, որովհետեւ գնդերեցները մեր զինված ուժերում են ավագ ընկեր են, են հոգեբան, են այն կարեւոր հոգեւոր ուղղորդիչը, որին հավասարվում են մեր զինվորները»:

Այնուհետեւ ներկաները դիտեցին «Աղոթող զինվոր» ֆիլմը՝ նվիրված Հոգեւոր առաջնորդության գործունեությանը:

Հանդիսության գեղարվեստական հատվածում ելույթներ ունեցան ՀՀ ՁՈՒ փողային նվագախմբը, Մայր Աթոռի Գեղարվեստական ճեմարանի երգչախումբը, «Ծաղկազարդ», «Գեղարդ», «7 Նոտա» երգչախմբերը, «Նարեկացի» նվագախումբը և «Նժդեհ» պարախումբը:

Միջոցառմանը ներկա էին ՀՀ ՁՈՒ ԳԸ պետ գեներալ-լեյտենանտ Մովսես Հակոբյանը, ՀՀ ՊՆ ներկայացուցիչներ, Մայր Աթոռ Ա. Եջմիածնի միաբաններ, զինծառայողներ, գնդերեցներ, 20 տարիների ընթացքում Հոգեւոր առաջնորդությունում իրենց ծառայությունը բերած Եկեղեցականներ և այլ հրավիրյալներ:

Կաթոլիկոսը և նրա ժամանակը՝ գիտաժողով Մայր Աթոռում

դին անկորուստ պահպանելու խնամքն ու հոգածությունը: Վեհափառ Հայրապետը սա նաեւ բազմաշնորհի Հայրապետի եկեղեցանկեր ու հայրենանկեր ոգով նորոգելու առիթ նկատեց.

«Մեր ժողովուրդը սրբաբեր է Հոգի հանձնե Օծնեցի Կաթողիկոսին և իր երեւելի հովվապետին մեծարել «Իմաստասեր» անվամբ: Իմացության և գիտության հանդեպ սերը, ինչպես նաեւ առաքելությամբ եւ հոգեւոր սխրանքներով լեցուն կյանքը լավագույնս նկարագրում են նրա կերպարը: Նրա անձի մեջ ի մի են եկել քաջիմաց աստվածաբանի, շնորհաշատ քարոզչի ու հռետորի, խոհեմ առաջնորդի ու դիվանագետի հատկանիշները: Նա հիշվում է որպես «երկրորդ Ոսկեբերան», Թադեոս ու Բարդուղիմեոս առաքյալների, Գրիգոր Լուսավորչի գործը շարունակող մեծ իմաստասեր և նոր առաքյալ:

Երանաշնորհի Հայրապետը մեծ բարենորոգիչ էր: Մեր Եկեղեցու փառավոր էջերից է նրա ընդամենը տասնամյա գահակալությունը, որի ողջ ընթացքում Հոգի հանձնե Օծնեցին հետեւողական պայքար մղեց Հայաստանում քրիստոնեության անադարտ պահպանման, մեր Եկեղեցու դավանանքն ու ծեսը տեսակա-



նորեն հիմնավորելու և այդ ծիրում մեր Եկեղեցու քրիստոսաբանական նկարագրին ամբողջացնելու համար: Իր ճառերով, ծիսական կատարումներով և դրանց մեկնաբանությամբ, Կանոնադրի կազմումով, անգամ անզուգական շարականներով ու հոգեւոր երգերով, որ կրում են նրա աստվածաբանական մտքի դրոշմը և հավատքի երկնաթիչ շունչը, Հոգի հանձնե Օծնեցի Հայրապետը, ամենայն իրավամբ, համարվում է մեր ուղղափառ հավատքի հիմնասյուներից մեկը:

Հայկական պետականության բացակայության պայմաններում Հոգի

հան Օծնեցին նաեւ խոհուն և քաջ առաջնորդ եղավ: Իր իմաստությանը ու հոգեւոր նկարագրով կարողացավ շահել արաբ խալիֆի վստահությունը և մեծ պատերազմներով լի ժամանակում իր ժողովրդին հեռու պահել նոր փորձություններից ու համախմբել մեր Եկեղեցու հովանու ներքո: Մեր ժողովրդի ապահովության, նրա հավատքի անսասանության և քրիստոնեական կյանքի ամրության համար մեծ Հայրապետի հոգածությունն ու արդյունավոր ջանքերն առ այսօր հիասքանչ օրինակ են մեզ և հետագա սերունդների համար: Արդարեւ, այսօր էլ, երբ օրվա հրամայա-

կան է դիմագրավում զանազան գաղափարախոսությունների, որոնք միտված են մեր Եկեղեցու դավանանքից, ծեսից իր զավակներին հեռացնելուն, ազգային միասնությունը քայքայելուն, Հոգի հանձնե Օծնեցու գործունեությունը վերհաստատվում են և վերարժեւորման մի նոր ու կարեւոր խորհուրդ է ստանում:

Մեծագործ Հայրապետի 1300-ամյակը հրավեր է վառ պահելու նրա սուրբ հիշատակը և ավելի վառ՝ այն սերը, որով Հայոց հոգեւոր Հայրապետը պայծառ է պահել Հայ Եկեղեցու լույսը և իր կյանքով ավելացրել պայծառությունը հոգեւոր մեր տան: Սա է նրա մեծագույն պատգամը, հայրական հորդորն ու խրատը մեզ: Եվ չկա ավելի մեծ գնահատական նրա կյանքին ու գործին, քան մեր հավատարմությունը նրա թողած անգնահատելի ժառանգությանը և առաքելաշավիչ ընթացքին»:

Վեհափառ Հայրապետն իր գնահատանքն ու օրհնությունը բերեց գիտաժողովի կազմակերպիչներին և նախանձախնդրությամբ այս գիտաժողովին համախմբված բոլոր մասնակիցներին:

Բարձրյալի օրհնության հայցով Նորին Սրբությունն արդյունավոր ընթացք ու հաջողություններ մաղթեց

գիտաժողովի աշխատանքներին: Հայրապետական ողջույնից հետո սկսվեց գիտաժողովի լիազումար նիստը, որը նախագահեց Գուգարաց թեմի առաջնորդ Սեպուհ արք. Չուլջյանը:

Նիստին ներկայացվեցին Հոգի հանձնեցու ժամանակաշրջանին, կյանքին, գործունեությանը և մատենագրական վաստակին վերաբերող հետեւյալ զեկուցումները՝ «Հոգի հանձնե Օծնեցի. «Կանոնագիրը հայոց»-ի սոցիալ-փիլիսոփայական և կառավարչական հիմքերը» (ՀՀ ԳԱԱ ակադեմիկոս Յուրի Սուվարյան և փ. գ. դ. Վալերի Միրզոյան), «Դամասկոսում Հոգի հանձնեցու կնքած «պայմանագրի» գնահատման հարցի շուրջ» (փ. գ. դ. Սեյրան Չաքարյան) և «ԺԴ տիտղոսների բյուզանդական Կանոնագրի հայերեն թարգմանությունը և «Կանոնագիրը Հայոց»-ը» (պ. գ. դ. Ազատ Բոգայան):

Լիազումար նիստից հետո զուգահեռաբար նիստեր տեղի ունեցան ճեմարանի Կոմիտասյան սրահում և Մատենադարանում:

Գիտաժողովի ավարտին տեղի ունեցավ նաեւ ճարտարապետության դոկտոր, պրոֆեսոր Գառնիկ Շախկյանի «Հայրապետական Աթոռին փառքը» գրքի շնորհանդեսը:

Սկիզբը՝ թիվ 20, 22

2.

Ավ. Իսահակյանին, Վ. Նավասարդյանին եւ Ավ. Ահարոնյանին հանդիպելիս Չարենցը դեռեւս բոլշեւիզմի համոզված պաշտպան էր. դրա հիմնավորումն են նրա երեք ստեղծագործությունները՝ գրված արտասահմանում երեք դաշնակցականների հետ հանդիպումներից ստացած անմիջական տպավորություններով՝ «Էլեգիա՝ գրված Վենետիկում» պոեմը՝ Ավ. Իսահակյանի հետ հանդիպման առիթով (*այս մասին մանրամասն տե՛ս մեր «Անդրադարձ Ավետիք Իսահակյանի եւ Եղիշե Չարենցի գրական բարեկամությանը» ուսումնասիրությունը. Գրական հանգրվաններ, գիրք 4, Եր., 2003*), «Հանգուցյալ Պարոնը կամ Պարոն Հանգուցյալը» արտասահմանյան պատմվածքը՝ Վ. Նավասարդյանի հետ հանդիպելու առիթով, եւ «Սելրի դաշնագրից մինչեւ հայ կանանց ալեծուփ մագերը» հոդվածը՝ Փարիզում Ավ. Ահարոնյանի՝ հեթանոսական գրական շարժման մասին մի դասախոսության առիթով: Սրանցից այս պահին մեզ բնականաբար առավել հետաքրքրում է երկրորդը՝ Նավասարդյանի առիթով գրվածը, որը մի կողմից ճշմարտացիորեն բացահայտում է Չարենց-Նավասարդյան անձնական հարաբերությունը, Չարենցի ստեղծագործական հոգեբանության եւ սփյուռքում գործող հայ քաղաքական կուսակցությունների հանդեպ նրա վերաբերմունքն ու դիրքորոշումը, մյուս կողմից՝ լույս է սփռում խորհրդային պետություն - սփյուռք առնչությունների վրա:

Ինչպես երեւում է խնդրո առարկա գրքի առաջին՝ 1957 թ. հրատարակության՝ «Մ. Թ.» ստորագրությամբ կարճառոտ «Երկու խոսք»-ից (կարծում ենք՝ հեղինակը Միսա Թեոլոյանն է - Ս. Մ.), Նավասարդյանի գիր-

ԵՐԻՇԵ ՉԱՐԵՆՑ ԵՎ ՎԱՅԱՆ ՆԱՎԱՍԱՐԴՅԱՆ. ՄԻ ԵԱԿԱՏԱԳՐԱԿԱՆ ՀԱՆԴԻՊՈՒՄ

Նվիրվում է Ե. Չարենցի ծննդյան 120-ամյակին

քը թեւեւ պատրաստ է եղել 1945 թ. (*Մ. Թ.-ի այն հայտարարությունը, թե Նավասարդյանի գիրքը պատրաստ է եղել 1945 -ին, ակնհայտ վրիպում է, որովհետեւ այդ գրքում հանգամանորեն վերլուծված են 1946 թ. կայացած Հայաստանի գրողների միության համագումարի նյութերը, ինչպես նաեւ նույն թվին լույս տեսած «Ընտիր էջեր» մեծադիր հատորում Չարենցի անունով ստորագրված՝ Ստալինին հասցեագրված թուղթ-ուղերձ-ձոներգերը - Ս. Մ.*), սակայն լույս է տեսել 1957 թ.՝ բանաստեղծի ծննդյան 60 եւ մահվան 20-ամյակների առթիվ, այսինքն՝ ավելի քան կես դար առաջ Կահիրեում, եւ ամաչելու չափ հասկանալի պատճառներով անմատչելի է եղել հայաստանցի ընթերցողին: Իսկ դա քսանամյա «մեծ լուռության» շրջանում Չարենցի մասին գրված ամենից կարելի գիրքն էր, որ փաստերի ճշմարտացի ներկայացման հետ միասին պարունակում էր Չարենցի որոշ ստեղծագործությունների գրականագիտական խոր եւ ինքնատիպ վերլուծություններ:

Վ. Նավասարդյանի՝ Չարենցի մասին հուշերի եւ խորհրդածությունների գրքի վերահրատարակումը, անշուշտ, Եակա-նորեն մեծացնում է նրա հետ ընթերցողի շփման հնարավորությունը, որով պարզ է դառնում նաեւ, թե ինչու եւ ինչ էին թաքցնում խորհրդային իշխանությունները ժողովրդից: Գիրքը, իհարկե, չի ընդգրկում Չարենց բանաստեղծական երելույթն իր ամբողջությամբ, սակայն



նրա էջերում մի կողմից հստակորեն երեւում են չարենցյան երկերի այլ հայացքով ընթերցումն ու անկողմնակալ մեկնաբանությունը, քաղաքական երկու ընդդիմախոսների լայնախոհությունը, ազնվությունն ու արդարամտությունը, մյուս կողմից՝ Վ. Նավասարդյանի՝ խորհրդահայ գրական անցուղարձին ու քննադատական մտքին քաջատեղյակությունը եւ այդ համապատկերում՝ Չարենց երելույթի մարդկային ու գրողական նկարագրի, նրա երկերի գեղարվեստական արժեքի սթափ ու անկողմնակալ գնահատությունը:

Բարիկադի տարբեր կողմերում կանգնած գաղափարական երկու հզոր հայ

մտավորական գործիչներ. մի կողմում՝ մեծ հային ու հավատավոր բոլշեւիկին իր վիթխարի անհատականության մեջ միավորող հանճարեղ բանաստեղծ՝ Նույնիսկ իր բարեխիղճ մոլորությունների մեջ էլ բացառիկ անկեղծությամբ, մյուս կողմում՝ Նույնքան անկեղծ ազգային քաղաքական գործիչ, հավատավոր դաշնակցական, քսաներեք գրքերի հեղինակ, որը խոհեմորեն ու հանդուրժողաբար մի կողմ է դրել բոլշեւիզմի գաղափարական պարտադրանքով Չարենցի կողմից դաշնակցականներին հասցեագրված մի քանի կոշտ ու կոպիտ արտահայտությունները, արդարամտորեն գնահատել է հեղափոխական թոհուրեփի մեջ նրա ազգային մտածողությունը, ստեղծագործական նվաճումներն ու գեղարվեստական հզոր թռիչքները:

Մենք առ այսօր Չարենցի գրական ժառանգությունը թեւեւ հաճախ, բայց լավ չենք հրատարակել. Նույնիսկ լավագույն հրատարակություններում կամա թե ակամա տեղ են գտել տեքստերի բնագրային աղավաղումներ՝ ձեռագրերի սխալ կամ միտումնավոր ընթերցման պատճառով, գլավլիտային մկրատով անխիղճ կրճատումներ, անգամ ընթեռնելի, բայց «անթույլատրելի» բառերի, անունների, դարձվածների, տողերի, ամբողջական պարբերությունների ու հատվածների կրճատումներ՝ փոխարենը անընթեռնելիության նշան կետեր դնելով:

Շարունակությունը՝ էջ 8

«Լավագույն ուսուցիչ» մրցանակաբաշխությունը

Մայր Աթոռ Ս. Էջմիածնում



Սկիզբը՝ էջ 4

Վկայականներ եւ նվերներ հանձնվեցին նաեւ մրցույթին մասնակցած մնացյալ 70 ուսուցիչներին:

Առաջին մրցանակի արժանացած տիկին Գոհար Հայրունիի շնորհակալություն հայտնեց Ամենայն Հայոց Հայրապետին, ԿԳ Նախարարին եւ բոլոր կազմակերպիչներին՝ ուրախությամբ արձանագրելով, որ մրցույթի միջոցով կարելի է ուսուցչի դերը հանրային կյանքում:

Հանդիսության շրջանակներում գեղարվեստական կատարումներով հանդես եկան Մայր Աթոռ Ս. Էջմիածնի՝ Գյումրիի հայորդյաց տան երգչախումբն ու «Հրաչ եւ Սյուզան Թուֆայան» հայորդյաց տան նվագախմբերն ու պարախումբը:

Ցերեկույթի վերջում մասնակիցներին իր օրհնությունն ու պատգամը բերեց Նորին Սրբություն Գարեգին Բ Ամենայն Հայոց Կաթողիկոսը:

Ողջունելով բարի ավանդույթ դարձած հանդիսության առիթով Մայր Աթոռում մեկտեղված կրթու-

թյան մշակներին՝ Վեհափառ Հայրապետը մասնավորապես նշեց. «...Մրցանակաբաշխությունը կոչված է վերաբժեղորելու մեր մատաղ սերնդի կրթությանն ու դաստիարակությանը նվիրված ուսուցիչներին աշխատանքը, նաեւ գնահատելու եւ քաջալերելու մեր ուսուցիչներին՝ իրենց պատասխանատու եւ նվիրական առաքելության մեջ:

Աստվածաշնչյան Ժողովողն ասում է. «Մարդու իմաստությունը լույս է տալիս նրա երեսին» (Ժող. Ը 1): Սուրբգրային խոսքի շնորհընկալներն այսօր դուք եք, սիրելի՛ ուսուցիչներ, որ հարստացած գիտելիքներով եւ հոգու իմաստությամբ՝ լույս եւ տալիս ձեր սաներին, ձեր կողմից կրթվող ու դաստիարակվող սերունդներին, որպեսզի նրանք եւս լուսավորվեն, ճանաչեն կյանքի իմաստը, առաջնորդվեն հոգեւոր արժեքներով եւ կարողանան հաղթահարել իրենց առջեւ բարձրացող խնդիրներն ու փորձությունները: Արագորեն զարգացող եւ փոփոխվող այսօրվա աշխարհում ուսումն ու կրթությունը, նկարագրի, անհատակա-

նության ձեւավորումը առաջնահերթ են ազգի եւ պետության համար: Արդ, դուք՝ խոնարհ ու պարզ սպասավորներդ գիտության ու կրթության, ձեր մտային ու հոգեւոր իմաստության լույսով ի գործ եք առողջ եւ զորավոր սերունդ պատրաստելու, ովքեր պիտի շենացնեն մեր հայրենի երկիրն ու ազգային կյանքը, պիտի պահպանեն մեր սահմանները եւ պիտի պաշտպանեն մեր ժողովրդի իրավունքները: Մենք համոզված ենք, որ այս գիտակցությունը, այս տեսլականը ամեն օր ձեր աշխատանքում ներշնչում են ձեզ՝ հավելելով կորով ու նվիրում:

Մենք գոհունակությամբ ենք անդրադառնում, որ Կրթության եւ գիտության նախարարությունը ջանում է արդիական դարձնել կրթությունը մեր երկրում, արժանի կերպով գնահատել մանկավարժ-

ների աշխատանքը: Ուրախ ենք, որ ամրանում է մեր եկեղեցու եւ նախարարության համագործակցությունը՝ ի նպաստ մեր զավակների հոգեւոր ճանաչողության, նրանց հոգում հավատքի սերմանման, որպեսզի ընթանան ճշմարիտ ուղիով, լինեն արժանավոր զավակները մեր երկրի ու ժողովրդի: Լինել երջանիկ ազգ՝ ծաղկուն պետությամբ եւ ազգային կյանքով. սա պիտի լինի նաեւ մեր կրթության նպատակը»:

Նորին Սրբությունը հայրապետական իր գնահատանքը բերեց ՀՀ կրթության եւ գիտության նախարարությանը եւ նախարար Լեւոն Մկրտչյանին՝ եկեղեցու նախածեռնություններին աջակցելու համար, ինչպես նաեւ մրցանակաբաշխության կազմակերպիչ, Զրիստոնեական դաստիարակության կենտրոնի տնօրեն Վարդան եպիս-

կոպոսին եւ ԵԴԿ-ի աշխատակիցներին:

Ամենայն Հայոց Հայրապետն իր օրհնությունը հղեց մրցանակաբաշխության բարերարին՝ մաղթելով, որ ամենաբարին Աստված օրհնի մեծազնիվ բարերարին եւ վարձահատույց լինի իրագործած եկեղեցանվեր եւ ազգանվեր գործերի համար:

Գարեգին Բ Կաթողիկոսն Աստծո ամենախնամ հովանին եւ առաջնորդությունը կամեցավ մանկավարժներին եւ կրթության բնագավառի պատասխանատուներին՝ բարձրորեն գնահատելով նրանց նախանձախնդիր ջանքերը, աղոթք բարձրացրեց առ Աստված, որ լուսավոր պահի միտքն ու հոգին երեխաների եւ կրթության սպասավորներին պարգեւի նոր կորով ու եռանդ, արդյունավոր ջանքեր՝ ի նպաստ ազգային մեր բոլոր կրթօջախների օրավար բարգավաճման եւ պայծառացման:

Հանդիսությունը փակվեց հայրապետական Պահպանիչ աղոթքով:

Լրատվական նյութերը՝ ՄԱՅՐ ԱԹՈՐ ՍՈՒՐԲ ԷՋՄԻԱԾՆԻ ՏԵՐԵԿԱՏՎԱԿԱՆ ՀԱՄԱԿԱՐԳԻ





Սկզբը՝ թիվ 22

Պարզվում է, որ օտարազգիներն առանձնապես հիացած չեն հայերով: Օրինակ՝ Ռիշար Լյա Պիեռը բավական շատ բացասական կողմեր է տեսնում հայերի մեջ: Որոշ օտարազգիների խիստ քննադատական մոտեցումը հայ ժողովրդի նկատմամբ այնպիսի տպավորություն է ստեղծում, որ այդ մարդիկ ակնհայտորեն թուրքամետ են: Այստեղ, անշուշտ, ոչ մի գարմանալի բան չկա, քանզի որեւէ ազգին տրված գնահատականները կարող են խիստ սուբյեկտիվ եւ չափազանցված լինել: Ասենք ավելին. առնվազն տարօրինակ կլինեք, եթե անխտիր բոլոր այլազգիները հիացական գնահատականներ տալին հայերին: Որքան էլ որոշ մտավորականներ պնդում են, թե հայերը եվրոպական ազգ են, միեւնոյն է, արեւելյան հատկությունները բավականաչափ բնորոշ են մեր ազգին: Ուստի պատահական չէ, որ Ֆրանսիացին, գերմանացին, անգլիացին կամ որեւէ այլ եվրոպացի ժողովուրդ ոչ մի կերպ չեն կարողանում ընկալել հայկական

մտածելակերպը, հայերի վարքն ու բարքը, նրանց սովորույթներն ու արժեհամակարգը: Այսպես, օրինակ, Լյա Պիեռը 1930-ական թվականներին հայերի մասին գրել է հետեւյալը. «Հայերը երախտամոռ են, անազնիվ եւ անհուսալի՝ առանց բացառության» (տե՛ս La Piere, «The Armenian Colony», էջ 339): «Հայազգի վկան կասի ճշմարտությունը միայն այն դեպքում, եթե դա բխում է նրա շահերից, հակառակ դեպքում նա կստի զինվորականի պես» (տե՛ս La Piere, նույն տեղում, էջ 339): «Եթե դուք հայի հետ քաղաքավարի եք, ապա նա կուպիտ է ձեզ հետ: Իսկ եթե դուք կոպտում եք նրան, նա հարգում է ձեզ: Հայերից շատ քչերն են ժպտում - նրանք թրված դեմքի արտահայտություն ունեն, սակայն դա ոչ թե տխրության նշան է, այլ անբարյալացավության: Եթե նրանք թուրքիայում իրենց դրսևորեն այնպես, ինչպես դրսևորում են այստեղ, ապա զարմանալի չի լինի, եթե թուրքերը ոչնչացնեն նրանց: Հայերից շատերը երագում են

ՎԻՆՅԱՄ ԱՄՐՈՅԱՆԻ ԵՐԿՐՈՒ ԱՇԽԱՐԻՆԵՐԸ

քշել թուրքերին այդ երկրից» (տե՛ս La Piere, նույն տեղում, էջ 341): «Ֆաուլերում, որը Ֆրեզկոյից ոչ հեռու գտնվող ագարակային համայնք է, հայերը միակ օտարերկրացիներն են: Նրանք կարծում են, թե իրենք նույնքան լավն են, որքան տեղաբնակները: Ես չգիտեմ, թե ինչու են նրանք վատը, բայց մենք մտածում ենք, որ նրանք վատն են» (տե՛ս La Piere, նույն տեղում, էջ 346): Ահա այսպիսի մռայլ երանգներով է Լյա Պիեռը ներկայացնում հայ ժողովրդին:

Ազգությամբ ամերիկացի մի ուսուցիչ եւս առանձնապես հիացած չէ հայերով: Նա ասում է հետեւյալը. «Հայ երեխաների վարքը դասարանում, դպրոցի տարածքում եւ հասարակական հավաքատեղիներում հաստատում են վերը ներկայացված գնահատականները: Հայ երեխաները աղմկոտ են, ագրեսիվ, կռվարար եւ շատ են աչքի զարնվում» (տե՛ս La Piere, նույն տեղում, էջ 343):

Հարկ է հավելել, որ ոչ բոլոր ֆրեզկոյաբնակներ են բացասաբար գնահատում հայերին: Կային նաեւ դրական գնահատականներ, ինչը միանգամայն բնական է, քանի որ մարդ արարածին հատուկ են սուբյեկտիվիզմը եւ կողմնակալությունը: Ուստի եւ ցանկացած ծայրահեղական գնահատականի, լինի դա բացասական թե դրական, պետք է վերապահումով մոտենալ: Ինչեւէ, վերն ասվածից չի կարելի եզրակացնել, թե հայ ազգին տրված բացասական բոլոր գնահատականները բացարձակ չինձու են եւ իրականության հետ որեւէ կապ չունեն: Այլ խնդիր է, որ

դրանք կարող են չափազանցված լինել:

Թեւեւ Լյա Պիեռը բացասաբար է ներկայացնում հայերին եւ խստորեն քննադատում է նրանց բնավորությունն ու վարքագիծը, սակայն նա փորձում է հասկանալ, թե ինչու են հայերն այնպիսին, ինչպիսին որ նրանք կան: Ֆրանսիացին իր հարցերի պատասխանը գտնում է հայոց պատմության մեջ: Նրա պնդմամբ՝ հայերի հոգեբանությունը փոփոխության էր ենթարկվել, քանի որ նրանք դարեր շարունակ ստիպված էին եղել պաշտպանել իրենց ընտանիքները թշնամական միջավայրում: Նրանք չէին կարող արագ փոխվել ամերիկյան հասարակության մեջ: Հայերի անցած պատմական ուղին նրանց դարձրել էր նվիրված իրենց ընտանիքներին: Նրանք խորամանկ են եւ ճարպիկ, քանի որ այդ հատկություններն անհրաժեշտ են իրենց ընտանիքները պաշտպանելու համար: Հայերը մշտապես կասկածամիտ են եւ չեն վստահում մարդկանց: ... Հայերը պատրաստ են դավաճանելու օտարներին՝ հանուն իրենց ընտանիքները փրկելու (տե՛ս La Piere, նույն տեղում, էջ 436): Այնուհետեւ Լյա Պիեռը շեշտում է, որ հայերն ավելի անազնիվ եւ ագրեսիվ չեն, քան ուրիշները, բայց նրանք խորամանկ են, անազնիվ ու ագրեսիվ՝ յուրօրինակ ձեւերով: Նրանք այդ ձեւերն իրենց հետ քերել էին Հայաստանից (տե՛ս La Piere, նույն տեղում, էջ 447):

Հայերից շատերը գիտեին, թե ինչպես են Ամերիկայի հնաբնակները գնահատում իրենց: Այդ մասին քաջատեղյակ էր նաեւ ինքը՝

Վիլյամ Սարոյանը: Ամերիկահայ գրողը ասում է հետեւյալը. «Ամերիկացիները հայերին ցածր կարգի են դասում: Նրանց անընդհատ խելք են սովորեցնում, նրանց ատում են, իսկ ես նույնպես հայ եմ: Ես չեի կարող մոռացության մատնել այս վերաբերմունքը: Ես այժմ էլ չեմ կարողանում մոռանալ այդ ամենը, բայց սրա պատճառն այն չէ, որ հայ լինելը առանձնահատուկ նշանակություն ուներ կամ ունի ինձ համար» (տե՛ս Here Comes, էջ 139): Ինչեւէ, «հայ լինելը» մնաց մի հարց, որը մշտապես գրողի ու շարդության կենտրոնում էր: Չնայած գրողի պնդմանը, ըստ ուրի՝ «հայ լինելը ոչ մի յուրահատուկ կարեւորություն չունի իր համար», նա հաճախ է նույնացնում ինքն իրեն արիամարված եւ չսիրված Եթսիկ խմբի հետ:

Ինչպես ասել է Սարոյանի «Քո կյանքի ժամերը» պիեսի գլխավոր հերոս Ջոն. «Մարդ պետք շատ վարժվի, որպեսզի ինքն ինքը լինի» (տե՛ս W. Saroyan, The Time of Your Life (New York: Harcourt, Brace and Co., 1939), էջ 112): Բայց եթե մարդ հայտնվում է որեւէ հաստատությունում, լինի դա որբատուն թե քաղաքային դպրոց, ապա այդ դեպքում ինքնավարժանքները կարող են խոչընդոտվել կամ նույնիսկ արգելվել: Սարոյանի համար դպրոցը նման էր Օուքլեյտի որբանոցին, որտեղ նա եւ իր քույրերն ու եղբայրները ապրել էին հինգ տարի շարունակ, մինչ իրենց մայրն աշխատում էր որպես աղախին: Նշված իրողությունը դարձավ ներածություն գրողի «Փակուղային աշխարհի» համար:

Շարունակությունը՝ էջ 8

ՋԵՅՄՍ ՌԱՍՏԵԼԸ ՀԱՅ ԺՈՂՈՎՐԴԻ ԿՐԱԿԱՊԱՇՏՈՒԹՅԱՆ ՄԱՍԻՆ

Սկզբը՝ էջ 4

Օրինակ՝ հունական Արտեմիսը որսորդության աստվածուհի է, որի տոտեմն է եղջերուն, մինչդեռ հայ-իրանական Անահիտին ոչ մի առասպել չի վերագրում նման հատկանիշ: Չուր չէ, որ Իսիդոր Զարակացին Մեդիայում հիշատակում է Արտեմիսին եւ Անահիտին որպես առանձին աստվածուհիների՝ իրենց առանձին մեհյաններով (*Ռասսելը ճիշտ չի հասկացել Իսիդոր Զարակացու խոսքը, ուստի եւ գրում է «Պարթեների ժամանակաշրջանում Զուրդիստանի Կանգավարում կար մի մեծ եւ նախշազարդ տաճար՝ ենթադրաբար նվիրված Անահիտային: Իսիդոր Զարակացին այն նկարագրում է որպես Արտեմիսի տաճար» - «There was a great and ornate temple presumably to Anahita in the Parthian period at Kangavar in Kurdistan, described by Isidore of Charax as a temple of Artemis» (էջ 246): Ռասսելը թյուրիմացաբար նույնացրել է Կանգավարում (լատ. Konkobar) գտնվող Արտեմիսի տաճարը Մեդիայի մայրաքաղաք Էկբատանայում գտնվող Անահիտի տաճարի հետ. «Այստեղից Վերին Մեդիան է, 38 սքոյնոս [տարածությամբ] եւ սկսվում է Կոնկոբար քաղաքով. այնտեղ է գտնվում Արտեմիսի տաճարը, 3 սքոյնոս: Հետո Բազիգրաբան, որը մաքսատուն է, 3 սքոյնոս: Հետո դեպի [Էլ]բատանայում [գտնվող] Ադրապանա ապարանքը, որը Տիգրան Հայը կործանեց, 4 սքոյնոս: Հետո [Էլ]բատանա՝ Մեդիայի մայրաքաղաքը, ուր [գտնվում են] գանձարանը եւ տաճարը, որտեղ միշտ զոհ են մատուցում Անահիտ [աստվածու-*

հուն], 12 սքոյնոս: Հետո երեք գյուղ, նրանցից յուրաքանչյուրում կայան» (Իսիդոր Զարակացու Պարթեական կայանները (VI - թարգմ. հունարենից՝ Էդվարդ Դանիելյանի (ՊԲՀ, 1971, համար 4, էջ 171-182): Իսիդորը հիշատակում է երեք տարբեր Արտեմիսի տաճար եւ մեկ Անահիտի տաճար: Պետք չէ անպայման պատմական աշխարհագրության մասնագետ լինել հասկանալու համար, որ չի կարելի տարբեր վայրերում գտնվող եւ այն էլ տարբեր անուններ ունեցող տաճարները նույնացնել իրար հետ, բացի այդ՝ Ռասսելը լուրջ անաքրոնիզմ է թույլ տալիս՝ «Ժամանակակից Զուրդիստան» անունը գործածելով Իսիդոր Զարակացու Կանգավար տեղանվան հետ):

Միաժամանակ հորենացու երկում առկա վերոհիշյալ հունական աստվածությունների անուններով ինձ համար բացահայտվում է մի այլ արժեքավոր իրողություն: Խորենացին «Հայոց Պատմության» Բ գրքի ԺԴ գլխում պատմում է, թե Հայոց թագավոր Արտաշեսը ճանապարհին վախճանվում է, իսկ որդի Տիգրանը նրա ուղարկած պղնձածուլ արձաններով Հայաստանում մեհյաններ է հիմնում՝ «Առաջին գործ զմեհեանսն չինել կամեցաւ (Տիգրան): Իսկ քրմացն, որ եկեալ էին ի Յունաց, զմտաւ ածեալ, զի մի՛ ի խորագոյն Հայս վարիցին՝ պատճառեցան ըղձութիւնս, իբր թէ դիքն անդէն կամիցին զբնակիլն: Որում հաւանեալ Տիգրան, կանգնեաց զՈղիմպիական պատկերն Դիոսի յամուրն յԱնի, եւ զԱթենայն ի Թիլ, եւ զԱրտեմիդայ զմիւս պատկերն յԵրիզայ, եւ զԵփեստունն ի Բագայառինչ:



Միշտ չէ, որ հայ թարգմանիչը հայերեն Ազաթանգեղոսում պահպանել է հին հունարեն Ազաթանգեղոսում եղած բազմաթիվ ճշգրիտ համարժեքները: Այսպես, հունարեն Ազաթանգեղոսում առկա Դիոնիսոսի դիմաց (գինու եւ խրախճանքի աստված Բաքոսը) հայերենն ունի Միիր (Մրիական ձեւով), որը կրակի եւ արեւի աստվածն է: Ուստի Խորենացին ստիպված հունարեն Դիոնիսոսի փոխարեն դնում է «Հեփեստուն»՝ Հոմերոսից իրեն հայտնի կրակի եւ դարբնության աստված Հեփեստոսին՝ իբրեւ հայերեն Միիրի համարժեք:

Շարունակելի
Ալեքսոս ՄՈՒՆԵՐՅԱՆ
Բանասիրական գիտ. դոկտոր



Ե. ՉԱՐԵՆՑԻ ՉԵՌԱԳՐԵՐԻ ԵՎ ՀԱՐԱԿԻՑ ԽՆԴԻՐՆԵՐԻ ՄԱՍԻՆ

Նվիրվում է Ե. Չարենցի ծննդյան 120-ամյակին

կան չէ, քան 1937-ը: Ծերենցի «Հիշատակարան աղետից» գրքում պատկերվում են Լենկթեմուրի եւ այլոց ավերիչ արշավանքները 1386-1422 թթ.: 1386-ին նաեւ տեղի է ունեցել արեւի խավարում: Չարենցն ինքն է նկատել՝ «1937-1386=551, 1386+55=1937 թիվ»:

Արեւի խավարում՝ Լենկթեմուրի արշավանքի ժամանակ, ում ինքն անդրադարձել էր «Գովք խաղողի, գինու եւ գեղեցիկ դպրության» պոեմում («Թեյմուր-լենկ չարաչք ու չարածանտ»), եւ կյանքի խավարում՝ «Ժողովուրդների հայր ու արեւ» Ստալինի օրոք: Արդյոք ժամանակների զուգահեռը (Լենկթեմուր-Ստալին, խավարում-խավարում) Չարենցին տարավ միջնադար, թե՞ միջնադարը վերադարձել էր, ինչի մասին ահագնագույն էր Խաչատուրյանի նվիրված բանաստեղծություններում (տե՛ս Անտիպ եւ չիվաքված երկեր, էջ 83-88): Ահա մեկ քառատող.

Արշավում է ե՛ւ քո, ե՛ւ
աշխարհի վրա
Վարձկան ոհմակների զլուխն
անցած՝

Հագած զարմանալի զրահ՝
Քո միջնադարյան անցյալը...

Միջնադարի վերադարձը Չարենցը բարձրաձայնում է նաեւ այլ առիթներով՝ «Ի խորոց սրտի խոսք ընդ աստուծո», «Միջնադարյան կացին»: Միջնադարն առկա է թե՛ 1935-1937 թթ. ստեղծագործության մեջ եւ թե՛ «Գիրք ճանապարհի»-ում: Չարենցը, մի կողմից, ժամանակների նմանություն էր տեսնում, մյուս կողմից՝ էլք որոնում իր ժամանակից: «Գովք...»-ում մեկ անգամ չէ, որ այսպիսի գնահատումներ է տալիս. «Օ՛, միջնադարյան մթին խուցեր», «Օ՛, միջնադարյան մռայլ արեւ՝ // Կախված կապարե երկնքից մութ...»: Իսկ Լենկթեմուրին հիշատակող հատվածն ունի այսպիսի ամբողջական տեսք.

Շահատակողներ
ժանտաղածան.-
Թեյմուրլենկ՝ չարաչք ու
չարածանտ,
Չինգիզխան զարհուր եւ
զանազան,
Եվ ռուս արքաներ
արևաբաժան...

«Գիրք մնացորդաց»-ում շատ են սեւագիր գործերը: Սեւագրել է ու անմիջապես նույն էջի վրա մաքրագրել: Երբեմն ստեղծել է մի քանի սեւագրություն եւ մի քանի մաքրագրություն: Սեւագրությունների մեջ ուղղումներն ու ջնջումները երբեմն բազմահարկ են: Ջանացել ենք այդ ամենն արտացոլել բնագրային եւ բնագրային տարբերություններ բաժիններում:

Այս ձեռագրերի մեջ Չարենցի կյանքն է ու ժամանակը՝ անավարտ ու լարված: Ստեղծագործական հոգեբանության տեսակետից մի բարդ աշխարհ, որով հետեւ այս սեւագրություն-մաքրագրությունների մեջ Չարենցի գաղափարների ու մղձավանջների արտագիրն է ու մտագիրը: Թղթի փոքրիկ պատահիկներ՝ երբեմն գրված շատ խիտ, երկու երեսին, նույն թղթի վրա՝ երբեմն միանգամայն տարբեր գործեր, հղացումների հեղեղ, չամբողջացած տողեր, տներ, բանաստեղծություններ եւ պոեմներ...

Դավիթ ԳՍՄՊՐԱՅԱՆ
Բանասիրական գիտ. դոկտոր,
պրոֆեսոր

ՊԵՐՍԻԱՆԱՆ ՎԹՈՍԱՎՅԻ

Սկիզբը՝ թիվ 19

«Թո՛ղ անիծյալ լինի նա, ով Տիրոջ գործը ծուլությամբ կկատարի»

Երեմ. 48. 10

Հնում, եթե բարեպաշտ վանականներից մեկը վատնում էր ժամանակը՝ հոգ տանելով աշխարհի վիճակի մասին, ապա նրան փակում էին ամրոցում: Այսօր հակառակն է. բարեպաշտ վանականին փակում են ամրոցում, եթե նա չի հետաքրքրվում եւ չի ցավում այն իրավիճակի համար, որը տիրում է աշխարհում: Որովհետեւ նախկինում նրանք, ովքեր ղեկավարում էին, իրենց մեջ Աստծուն ունեին, իսկ հիմա ղեկավարողներից շատերը Աստծուն չեն հավատում: Այսօր շատ են այնպիսի մարդիկ, ովքեր ձգտում են մասնատել ամեն ինչ՝ ընտանիք, երիտասարդություն, Եկեղեցի: Մեր օրերում հետաքրքրվել եւ անհանգստանալ այն իրավիճակի համար, որի մեջ գտնվում է մեր ժողովուրդը, դավանություն է, քանի որ պետությունը պատերազմում է աստվածային օրենքների դեմ: Օրենքները, որոնք նա է ընդունում, ուղղված են Աստծո օրենքների դեմ:

Կան նաեւ այնքան անտարբեր մարդիկ, որ նույնիսկ Եկեղեցին չեն ճանաչում որպես աստվածային կառույց եւ սեփական ժողովրդին վերաբերվում են հպարտությամբ եւ որպեսզի մատեն իրենց պարապությանը, ասում են. «Պողոս առաքյալն ասում է, որ պետք չէ հետաքրքրվել աշխարհիկ գործերով» եւ շարունակում են մնալ անտարբեր: Բայց Պողոս առաքյալն ուրիշ բան նկատի ուներ: Այն ժամանակ իշխանությունը կռապաշտ ժողովուրդների ձեռքում էր: Ոմանք խզում էին կապն իշխանության հետ եւ հավատում էին Զրիստոսին: Ահա այդպիսի՝ մարդկանց է Պողոս առաքյալն ասում. «Մի՛ զբաղվեք աշխարհիկ գործերով», որպեսզի նրանք բաժանվեն աշխարհից, որովհետեւ ողջ աշխարհը կռապաշտ էր (Բ. Տիմ. 2. 4): Սակայն այն ժամանակից ի վեր, երբ իշխանության ե-

ՀՈԳԵՎՈՐ ԱՐԹՆՈՒԹՅՈՒՆ



կավ Կոնստանդին Մեծը, եւ հաղթեց քրիստոնեությունը, կամաց-կամաց ձեւավորվեց քրիստոնեական մեծ ավանդություն՝ կապված Եկեղեցիների, վանքերի, արվեստի, աստվածապաշտության կանոնների հետ: Եվ ուրեմն, մենք ենք պատասխանատու այն բանի համար, որ պահպանենք այս ամենը եւ թույլ չտանք Եկեղեցու թշնամիներին մասնատել այն: Ինձ նույնիսկ հոգեւորականներ են պատահել, որոնք ասում էին. «Դուք դրանով մի զբաղվեք»: Եթե նրանք մեծ սրբություն ունենային եւ աղոթքի միջոցով հասած լինեին այդ վիճակին, երբ ոչինչ իրենց չէր հետաքրքրում, ապա եւ նույնիսկ նրանց ոտքերը կհամբուրեին: Բայց հիմա նրանք անտարբեր են, որովհետեւ ուզում են բոլորի համար լավ լինել եւ անհոգ ապրել:

Անտարբերությունը թույլատրելի չէ նույնիսկ աշխարհիկ մարդկանց, ուստի որքան առավել է հոգեւոր մարդկանց պարագայում: Արդար եւ հոգեւոր մարդը

չպետք է որեւէ բան անտարբերությամբ անի: «Թո՛ղ անիծյալ լինի նա, ով Տիրոջ գործը ծուլությամբ կկատարի» (Երեմ. 48. 10),- ասում է Երեմիա մարգարեն:

ՕԳՆԵՆՔ ՄԱՐԴԿԱՆՑ ՀՈԳԵՎՈՐ ԱՌՈՒՄՈՎ

Հնում տասը մարդուց վեցն աստվածավախ էին, երկուսը՝ չափավոր, երկուսը՝ անտարբեր, բայց վերջիններս էլ իրենց մեջ հավատը ունեին: Այսօր այդպես չէ: Չգիտեմ, թե այս ամենն ուր կտանի: Ջանանք այսօր որքան հնարավոր է մարդկանց օգնել հոգեւոր առումով: Որպեսզի, ինչպես ջրհեղեղի ժամանակ Նոյան տապանում, այնպես էլ հիմա, փրկվեն մի քանիսը, հոգեպես չտանջվեն: Շատ մտածողություն եւ ուշադրություն է անհրաժեշտ. գննել տեղի ունեցող երեւույթները տարբեր կողմերից եւ օգնել մարդկանց: Ի՞նչ է, կարծում

եք՝ ինձ հաճելի՞ է, որ մարդիկ են հավաքվում, կամ եւ ուզո՞ւմ էի այսքան մարդ տեսնել: Ո՛չ, բայց այն իրավիճակում, որի մեջ մենք գտնվում ենք, դժբախտ մարդկանց անհրաժեշտ է մի քիչ օգնել: Եւ հենց այն բանի համար չդարձա քահանա, որ ժողովրդի հետ շփում չունենամ, բայց ի վերջո եւ ավելի շատ եմ զբաղվում նրանց հետ: Բայց Աստված գիտի իմ տրամադրվածությունը եւ տալիս է ինձ ավելի շատ, քան կտար, եթե եւ անեի այն, ինչ ինձ է հաճելի: Քանի անգամ եմ խնդրել Աստվածամորը գտնել ինձ համար խաղաղ եւ մեկուսի վայր, որպեսզի ոչինչ չտեսնեի, չլսեի եւ աղոթեի աշխարհի համար, բայց Նա ինձ չի լսում. Իսկ մնացած իմ չնչին խնդրանքները լսում է: Արի ու տես, որ մարդկանց այցելությունից առաջ Աստված ինչ-որ հիվանդությամբ ինձ գամում է անկողնուն, որպեսզի եւ հանգստանամ: Նա չի տալիս ինձ այն քաղցրությունը, որ եւ առաջ էի զգում աղոթքի ժամանակ, որովհետեւ այն ժամանակ եւ չէի կարողանում նրանից բաժանվել: Այն ժամանակ, երբ ինչ-որ մեկը խուց էր գալիս, եւ ինձ ստիպում էի դուրս գալ այդ հոգեւոր վիճակից (Ծերը վերապրած լարված հոգեւոր վիճակից հետո (Նա գգում էր, թե ինչպես է հալչում ջերմության մեջ գտնվող մոմի նման՝ Աստծո եւ մարդկանց հանդեպ սիրուց) տեղեկություն ստացավ վերելից այն մասին, որ նա չպետք է մարդկանց մերժի օգնության հարցում: Այդ ժամանակից ի վեր Նա օրը տրամադրում էր իրեն այցելող մարդկանց, իսկ գիշերը աղոթում էր աշխարհի զանազան խնդիրների համար: Սակայն երբ ուխտավորների թիվը չափազանց շատացավ, Ծերը մտածում էր առանձնանալ անհայտ մի վայրում, որպեսզի իր ամբողջ ժամանակը տրամադրի աղոթքին: Այդ ժամանակ երկրորդ անգամ նա տեղեկություն ստացավ, որ պետք է մնա իր խցում եւ օգնի մարդկանց):

Շարունակությունը՝ էջ 8

ԵՂԻՇԵ ՉԱՐԵՆՑ ԵՎ ՎԱՅԱՆ ՆԱԿԱՍԱՐԴՅԱՆ ՄԻ ԵԱԿԱՏԱԳՐԱԿԱՆ ՅԱՆԴԻՊՈՒՄ

Սկիզբը՝ էջ 5

Այդ ամենով հանդերձ, լավ թե վատ, գնահատել ենք այդ հանձարին, բայց ցայսօր ինչպես հարկն է չենք գնահատել խնդրո առարկա «Հանգուցյալ Պարոնը կամ Պարոն Հանգուցյալը» արտասահմանյան պատմվածքը, ամբողջ խորությամբ չենք բացահայտել հայ ազատագրական շարժման, քաղաքական կուսակցությունների եւ մանավանդ հայ հեղափոխական դաշնակցության ու նրա գաղափարական առաջնորդների ու ազգանվեր գործիչների հանդեպ բանաստեղծի վերաբերմունքը: Սակավ բացառություններ են բանաստեղծի ողջության օրոք Յ. Սուրխաթյանի բնութագրական հոդվածները, 1962 թ. Յ. Թամրազյանի գրած «Խմբապետ Շավարշը» պատմական դարաշրջանի լույսի տակ» խիզախ ուսումնասիրությունը եւ Էլի մի քանի կարեւոր նվաճումներ: Մինչդեռ հիշյալ խնդիրներն առկա են Չարենցի ստեղծագործության բոլոր շրջափուլերում ու բոլոր նշանակալից ստեղծագործություններում, եւ դրանց անկողմնակալ պարզաբանումն առաջնահերթ անհրաժեշտություն է՝ ուսանելի՝ այսօրվա ու վաղվա քաղաքացու, բոլոր հայ սերունդների համար:

Խորհրդային ժամանակներում հասկանալի է, բայց եւ հետխորհրդային ժամանակներում «Հանգուցյալ Պարոնը կամ Պարոն Հանգուցյալը» պատմվածքին առանձնապես կարեւորություն չի տրվել, եթե չասենք՝ նրբորեն շրջանցել են այն, եւ միակ բացառությունն այս իմաստով Վ. Նավասարդյանի գիրքն է, որի էջերում Չարենցին արտասահմանում անձամբ հանդիպած հեղինակը բացարձակ անկեղծությամբ տալիս է միանգամայն հավաստի տեղեկություններ ու կարեւոր բացատրություններ: Նախապաշարումներից ու գաղափարական պարտադրանքներից ազատ Վ. Նավասարդյանը չի շրջանցել նույնիսկ իր համար աննպաստ չարենցյան արտահայտությունները: Նույնիսկ ընդգծել է, թե իր գրավոր խոսքում Չարենցը բացարձակապես անկեղծ է ու արդարամիտ, եւ «Խորհրդային Հայաստան» օրաթերթի 1925 թ. փետրվարի 16-ի համարում տպագրված պատմվածքում ներկայացված իրենց գրույցը ճշգրտորեն համապատասխանում է իրականությանը:

Հանդիպումը՝ հանդիպում, սակայն նրա չարենցյան նկարագրությունը չոր ու ցամաք քաղաքական հոգված չէ, այլ խախտել է առաջ՝ իրական հիմքի վրա ստեղծված գեղարվեստական պատկեր՝ հյուսված կենդանի եւ աշխույժ լեզվով, տարբեր բանադրծումներով ու ոճական միջոցներով: Հենց լեզվական այդ ճկունությունն է հնարավորություն տվել Չարենցին՝ երբեմն բացահայտ, երբեմն ոչ բացահայտ կամ շղարշված արտահայտելու իր համակրանքը Վ. Նավասարդյանի եւ նրա քաղաքական կուսակցության նկատմամբ, եւ որ դարձյալ կարեւոր է՝ այն տպագրել բոլշեվիկյան կուսակցության օրգան «Խորհրդային Հայաստան» օրաթերթում: Անում ենք՝ **շղարշված, ոչ բացահայտ**, որովհետեւ ինքը ե՛ւ հայ էր, եւ՛ կոմունիստ եւ վերադարձին հաշվետու պիտի լիներ խորհրդային իշխանությունների առջեւ:

Բնական է, որ ազատ մտածողության տեր Վ. Նավասարդյանն ավելի նպաստավոր վիճակում էր Չարենցի ու համայնավարների նկատմամբ իր վերաբերմունքն արտահայտելիս, որովհետեւ բոլշեվիկյան իշխանությունների առջեւ հաշվետու չէր:

Շարունակելի
Սամվել ՄՈՐԱՂՅԱՆ
Բանասիրական գիտ. դոկտոր, պրոֆեսոր

ՎԻՆՅԱՄ ԱՄՐՈՅԱՆԻ ԵՐԿՐՈՒ ԱՇԽԱՐԻՆԵՐԸ

Սկիզբը՝ էջ 6

Սարոյանն իր «Մարդկային կատակերգությունը» վիպակում գրում է Էմբեսոնի անվան դպրոցի որոշ ուսուցիչների մասին, ովքեր իր համար խոչընդոտներ էին ստեղծում: Այդ մարդիկ զուրկ էին հումորից եւ գոռոզ բնավորություն ունեին: Նրանք հակառակվում էին իրենց աշակերտների ազատությանը, անկաշկանդությանը եւ չարաճճիությանը, ինչպես նաեւ նրանց պարզամտությանն ու անմեղությանը: Սարոյանը ներկայացնում է, թե ինչպես է գաղթականի երեխան հակառակվում իր անգլոսաքսոնացի բողոքական ուսուցչին: Սա դասական ամերիկյան տեսարան է: Վերջինս սկսվում է միջնակարգ դպրոցի ուսուցչի անվերջանալի պարզաբանումով: Նա բողոքում է իր թխաաչք աշակերտներից՝ նրանց եւ իր մշակութային տարածայնությունների պատճառով: Ուսուցիչը երազում է այն ժամանակի մասին, երբ իր աշակերտները կղաղարեն երազել Հայաստանի, Սիրիայի եւ Ասորոստանի մասին: Նա նաեւ ուզում է, որ երեխաները դադարեն բամբասել եւ ծաղրել իրեն՝ իրենց օտար լեզուներով: Մի՞թե նրանք իսկապես ծաղրում են ուսուցչին նրա թիկունքում: Փոքրիկ Սարոյանն այս կերպ է պատասխանում ուսուցչին.

-Ո՛չ, պարզապես մենք երբեմն հայերեն ենք խոսում:

-Բայց ինչու՞: Չե՞ որ այժմ դուք Ամերիկայում եք:

-Ամերիկացիները չեն սիրում մեզ, ուստի եւ մենք չենք սիրում նրանց:

-Ահա՛ թե ինչ: Իսկ ո՞ր ամերիկացիները չեն սիրում ձեզ:

-Բոլորը:

Ես նույնպե՛ս:

-Դուք նույնպես:

-Ի՞նչ գիտեք: Ես սիրում եմ կամ չեմ սիրում մարդկանց՝ նրանց արժանիքների ու թերությունների պատճառով:

-Ուրեմն դուք մտածում եք, թե հայերը ոչ մի արժանիք չունեն:

-Ոմանք ունեն, իսկ ոմանք՝ ո՛չ:

-Դե իհարկե, իսկ բոլոր ամերիկացիները հարյուր տոկոսով կատարյալ են, այդպես չէ՞:

-Դուք համախմբված եք, այդպես չէ՞:



-Դուք բոլորդ վախենում եք մեզից, մեր բարձր ձայներից, մեր ճարակությունից: Մի՞թե դուք նույնպես համախմբված չեք:

-Գուցե այո՞, բայց ի վերջո սա Ամերիկան է:

- Բայց հիմա մենք նույնպես այստեղի քաղաքացիներն ենք, եւ եթե դուք չեք կարողանում համակերպվել մեզ հետ, ապա մենք կկառնենք մեր արմատներին (տե՛ս Here Comes, էջ 68-69):

Վերը ներկայացված դրվագը վկայում է տարբեր մշակույթների անհամատեղելիության մասին: Պարզվում է, որ հնաբնակ ամերիկացիները չեն ընդունում եվրոպական, քանի որ նրանց վարքագիծն ու շարժումները չեն համապատասխանում ամերիկյան հասարակության նորմերին: Ինքնըստինքյան պարզ է, որ սա կարող է հանգեցնել միջմշակութային կոնֆլիկտների: Միջմշակութային կոնֆլիկտների խնդիրն առկա է եղել մարդկության պատմության բոլոր ժամանակաշրջաններում: Այն մինչեւ օրս էլ լրջագույն խնդիր է աշխարհի այն երկրներում, որոնք բնակչությունը պոլիէթնիկ է: Իսկ ո՞րն է միջմշակութային հակադրության հանգուցալուծումը: Գոյություն ունի երկու ճանապարհ. կա՛մ որեւէ երկիր գաղթածները պետք է ադապտացվեն տեղի պայմաններին, այսինքն՝ ընդօրինակեն տեղաբնակների բարքերը, սովորույթները, սոցիալական վարքագիծը, իսկ ավելի մեծ հեռանկարում որդեգրեն նրանց արժեհա-

մակարգն ու հոգեկերտվածքը, կա՛մ էլ տվյալ երկրի հնաբնակները պետք է ձեւավորեն հանդուրժողական վերաբերմունք եվրոպականի հանդեպ, այսինքն՝ նորեկներին ընդունեն այնպիսին, ինչպիսին նրանք կան: Համաձայնե՛նք, որ մշակութային հակադրության հաղթահարման նշված երկու եղանակներն էլ դժվարիքա-գործելի են առնվազն փոքր ժամանակաընթացքում: Կա եւս մեկ ելք ներկայացված իրավիճակից. խոսքն ազգային փակ համայնքների ստեղծման մասին է, ինչը, անշուշտ, հնարավորություն է ստեղծում ազգամիջյան շփումները հասցնելու նվազագույնի, բայց մեծ հաշվով սա չի կարող խնդրի վերջնական լուծում հանդիսանալ: Թերեւս սխալված չենք լինի, եթե ասենք, որ միայն ժամանակը կարող է հարթել առկա հակասությունները: Որպես օրինակ՝ հիշենք Եվրոպայի պատմությունը: Ինչպես հայտնի է, հանդուրժողականության գաղափարն այս աշխարհամասում մեկ օրում չէ, որ ձեւավորվել է: Սա բավականին դանդաղ գործընթաց է, որը կարող է մինչեւ անգամ դադար տեւել: Իսկ մինչ այդ ազգամիջյան թյուրըմբռնումներն ու անհամաձայնությունները գրեթե անխուսափելի են: Վիլյամ Սարոյանը, լինելով փայլուն տաղանդի տեր մարդ, հրաշալի կերպով ներկայացրել է վերը նշված խնդիրները:

Շարունակելի
Տիգրան ՄԱՆՈՒՅԱՆ
Բանասիրական գիտ. թեկնածու

ՊԵՐՍՈՆԱԿԱՆ ՎԵՐՈՒՄՆԵՐ ՀՈԳԵՎՈՐ ԱՐԹՆՈՒԹՅՈՒՆ

Սկիզբը՝ էջ 7

Խցում ես ապրում եմ ուրիշների ծրագրով: Ներսում սաղմոսներ էի կարդում, դրսում՝ թխթխկացնում էին. «Սպասե՛ք մի տասն-հինգ րոպե», ներսից ձայն եմ տալիս», իսկ նրանք բղավում են. «Հե՛յ, հա՛յր, վերջացրու աղոթքը, Աստված չի նեղանա»: Պա՛րզ է, մինչեւ ուր են հասնում: Եվ ոչինչ, եթե աղոթքից կտրվեի մի փոքր ժամանակ, բայց բավական է դուրս գալի, եւ վերջ: Ինչ հասցրեցի մինչեւ այդ պահը, դա էլ հասցրեցի: Առավոտյան ժամը վեց անց կես կամ յոթին, որպեսզի հանգիստ լինեմ, ես պետք է նաեւ երեկոյան աղոթքն ավարտեմ: «Առավոտ լուսո, փառքդ սուրբ»: Երբ դուք ավարտում եք առավոտյան աղոթքը, ես համրիչով ավարտում եմ արդեն երեկոյանը:

Լավ է, եթե առավոտյան հասցնեմ նշխար ուտել, հետո անգամ թեյ չեմ խմում, դիակի նման ընկնում եմ: Պատահել է, որ ե՛ւ Չատիկին, ե՛ւ Ավագ շաքարին պահե-

եմ պահել: Ուզես թե չուզես, պետք է կարողանաս: Մի անգամ, չգիտեմ, թե ինչն խանգարեց ժողովրդի գալուն, հնարավոր է՝ փոթորիկ կար ծովում, եւ նավը չեկավ, եւ խուց ոչ ոք չէկավ: Ա՛խ, ես այնպիսի սիւնայական օր ապրեցի, ինչպես այն ժամանակ սուրբ Էպիստիմիի քարանձավում (1962-64 թթ. Պաիսիոսը ճգնել է Սիւնայում՝ Սուրբ Էպիստիմիի ճգնարանում): Երբ ծովում փոթորիկ է, ինձ մոտ խաղաղություն է, երբ ծովում է խաղաղություն, ինձ մոտ փոթորիկ է:

Իհարկե, ես ունեմ հնարավորություն առանձնանալու ինչ-որ տեղ՝ լռության համար: Գիտե՛ք՝ որքան մարդ է ինձ առաջարկել ճանապարհաճախը հոգալ, որպեսզի ես մեկնեմ Կալիֆոռնիա կամ Կանադա: «Արի մեզ մոտ, - ասում են, - մեզ մոտ ճգնարան կա»: Եթե ես հայտնվեմ անծանոթ վայրում, կզգամ ինձ ինչպես դրախտում: Ոչ ոք ինձ չի ճանաչի, կլինեն սեփական օրակարգը

եւ վանական կյանքը, ինչպես որ ես եմ ուզում: Բայց արի ու տես, որ գորացրումը լինում է միայն պատերազմից հետո: Իսկ հիմա պատերազմ է՝ հոգեւոր պատերազմ: Ես պետք է լինեմ առաջնագծում: Այնքան մարքսիստներ, մասոններ, սատանիստներ եւ նմանատիպ այլ բաներ կան: Որքան դիվահարներ, անարխիստներ եւ մոլորվածներ են գալիս, որ ես օրինեմ նրանց մոլորությունը: Իսկ քանիսին ես ուղարկում ինձ մոտ՝ չստիպելով նրանց խորհել. ոմանք այն բանի համար, որ նրանցից ազատվեն, մյուսները՝ որ իրենք անձամբ օձին չհանեն ընկի: Եթե միայն իմանայիք՝ ինչպես եմ ինձ ճնշում եւ քանի կողմից: Մարդկային ցավից դառնացել է բերանս: Բայց ներքուստ միութարություն եմ զգում: Եթե հեռանամ, կկարծեմ, որ հեռանում եմ առաջնագծից, նահանջում եմ: Դա կհամարեմ դավաճանություն: Դա ես այդպես եմ հասկանում: Մի՞թե դա եմ ցան-

կացել, երբ սկսել եմ ճգնել կամ գուցե ես ցանկացել եմ օգնել վանքերին: Ես մի տեղ էի գնում, բայց հայտնվեցի մեկ այլ տեղում եւ ինչպե՛ս եմ ես հիմա պայքարում: Եվ չի էլ լսվում, որ (այն ամենի մասին, ինչ տեղի է ունենում շրջապատում) մեկ ուրիշն էլ խոսի դրա մասին: Եվեղեցին կործանո՞ւմ են: «Ոչինչ», - կասի որեւէ մեկը: Իսկ ինքն ընկերություն կանի ե՛ւ մեկի, ե՛ւ մյուսի հետ, միայն թե իրեն հարմար լինի: Իսկ ի՞նչ հարմարություն: Նրան ի վերջո սատանան «կհարմարեցնի»: Չե՞ որ դա արժանապատիվ չէ: Եթե ես ցանկանայի անել այն, ինչ ինձ հաճույք է պատճառում, գիտե՛ք՝ որքան հեշտ կլինեք դա: Սակայն նպատակն այն չէ, որ անեմ այն, ինչ ինձ է հարմար, այլ այն է, որն օգնում է ուրիշին: Եթե ես մտածեի այն բանի մասին, թե ինչպես ինքս հարմար տեղ գտնեմ, ապա շատ տեղեր կան, որ կհարմարվեի: Բայց նրա համար, որպեսզի անցնես Աստծո խորհրդարանը,

պետք է դառնալ Աստծո «պատգամավոր» եւ ոչ թե ինքը քեզ համար տաք տեղեր կազմակերպող:

Ուսերենից թարգմանությունը՝
Արմինե ՏԵՐՏԵՐՅԱՆԻ

ԵՐԻՍՏՈՆՅԱ ՅԱՅԱՍՏԱՆ

Կրոնական, մշակութային, լրատվական երկշաբաթաթերթ

Հիմնադիր՝
Մայր Աթոռ Սուրբ Էջմիածին

Հրատարակիչ՝
«Զրիստոնյա Հայաստան»
թերթի խմբագրություն

Գլխավոր խմբագիր՝
Աստղիկ Ստամբուլյան

Գրանցման վկայական՝ 624
Խմբագրության հասցեն՝
Մայր Աթոռ Սբ Էջմիածին

Հեռախոս՝ 517197

Էլ. փոստ՝ qristhay@etchmiadzin.am
astghikstam@gmail.com

web կայք՝
krishayas.wordpress.com
Ստոր. տպագր. 18.12.2017 թ..

Տպաքանակը՝ 2100
Գինը՝ 50 դրամ